

rius productum fuisse puto, sed excidit Membrana. Distinguit *Anacletum* a *Cleto*, inter *Felicem* I. et *Eutychianum*, nescio quem *Potianum*, interferit, cui dat *annum 1. mensem 1. diem 1. Sabinianum* facit *Fabianum*, *Theodorum* omittit, pro *Dono Bonum* et pro *Conone Bononem* scribit. Plures ejusmodi Catalogos utroque *Vol.* indicavi.

CCCXXXIII.

R. 20 Codex membraneus lat. Sec. XIII. Folior. 232. f. per duas columnas non una manu, nitide sed multis compendiis vocum exaratus, minioque distinctus varia complectitur *D. Augustini Opera* partem genuina, partem spuria, quorum haec series: I. *Incipit liber questionum sancti augustini episcopi octoginta quinque. Repone trium*; ita enim Autor ipse *L. I. Retract. c. 26.* qui locus etiam ipsi *Codici* una cum *Elencho Quaestionum* praefixus est. At vero *Elenchus* iste praeterquam, quod ordine *Quaestionum* ab edit. *Maur. T. VI.* differat, omissa *Q. XXXI.* quae *Ciceronis* locus est, tres alias inserit, qua ratione utique *Quaestiones Octoginta quinque* conficiuntur. Insuper autem *Q. XLV. De magis pharabonis*, *Q. LXIV. Eum, qui ut uult uiuit, beatum esse*, et *Q. LXXX. De pascha*, quae irreperunt e *Libro ἀδεσποτος XXI. Sententiarum a Maurianis* in *Append. T. cit. col. 1.* merito reposito, ubi locum *IV. I. et II.* tenent. Cum autem *Edi-*

tores hi non nisi unum *Exemplar ms.* se nactos dicant, e *Cod. nostro* sequentia observo. *Q. XLV. seu IV. pro beneficium impetrare legit perpetrare, et inferiores potestates pro aerae. Q. LXXX. seu II. ut inuictus comprobetur pro virtus comprobetur. Quarta decima luna pro die. Malitia corrupta pro malitiae corruptae. Corpora quippe pro corque jecurque.*

II. fol. 24. sequitur: *Expositio quarundam propositioinum ex epistola pauli apostoli ad romanos. Sancti augustini episcopi.* Praeit etiam hic *Censura e L. I. Retract. c. 23.* ipseque *Liber* incipit: *Sensus hi sunt in epistola ad romanos pauli apostoli &c.* et finit: *Quorum deus venter est.* Ut edit. cit. *T. III. P. II. col. 901.*

III. fol. 30. p. 2. *Incipit Liber Augustini de penitentia.* Initium: *Quam sit utilis et necessaria penitentiae medicina &c.* *Sermonem CCCLI. fecerunt Mauriani T. V. col. 1350.*

IV. fol. 34. praevio loco *L. II. Retract. c. 6. Incipit liber primus confessionum Augustini.* Initium: *Magnus es domine et laudabilis nimis &c.* Finis *Lib. XIII. Sic inuenietur, sic aperietur. Amen.* Ut edit. cit. *T. I. col. 69.* Sed nobis adhaeret: *Oratio augustini de primo libro soliloquiorum* hoc initio: *Deus uniuersitatis conditor presta mihi &c.* et fine: *habitatore beatissimi regni tui. Amen.* Itaque *Libri praedicti Capita 2.* — *6.* ut *T. cit. col. 355.*

V. fol. 79. p. 2. *Augustinus de definitionibus ecclesiasticorum dogmatum.*

matum. Praemissus est locus e L. II. de Praedestinatione Sanctorum, feu *Dono Perseverantiae*, qui extat T. X. edit. cit. col. 821. et quidem a verbis n. 55. *Neminem volo sic amplecti omnia mea &c.* usque ad n. finem. Tractatus ipse init: *Credimus unum deum esse &c.* Verum *Gennadium Massil.* auctorem habet, ideoque merito a *Maurianis* amandatus ad *Append. T. VIII. col. 75.* Lege, si lubet, praevidiam ibi *Admonitionem.*

VI. fol. 81. Biga *Epistolarum Augustini*, quarum prior, *Ad Probam de orando Deum*, altera, *ad Paulinam de uideo Deum.* Illa incipit: *Petiisse te, et promississe me recolens &c.* et est T. II. edit. cit. CXXX. col. 382. Haec: *Memor debiti quod ex tua petitione &c.* et est CXLVII. col. 473. Posterioriorem Autor ipse L. II. *Retract.* c. 41. bis *Librum* adpellat.

VII. fol. 92. Incipit liber *Augustini de mendacio.* Initium: *Magna questio est de mendacio &c.* Finis: *ut possitis sustinere.* Extat T. VI. col. 419.

VIII. fol. 99. p. 2. praemisso loco L. II. *Retract.* c. 4. et Prologo hujus initii: *Sunt precepta quedam tractandarum &c.* Incipit primus liber de doctrina christiana. Ita: *Due sunt res quibus nititur &c.* Finit quartus: *quantulacunque potui facultate differui.* Extant T. III. col. 1.

IX. fol. 129. Incipit liber *sancti augustini de uera religione.* Initium: *Cum omnis vite bone ac beate uia &c.* et finis: *ipsi gloria seculorum. Amen.* T. I. col. 747.

X. fol. 143. p. 2. Incipit liber *sancti Augustini de diuinatione demonum.* Initium: *Quodam die in diebus sanctis &c.* et finis: *quantum dominus adiuuat, respondebimus.* T. VI. col. 505.

XI. fol. 146. Triga *Epistolarum Augustini*, quarum prima, *ad Consentium de resurrectione carnis*, hoc initio: *Quantum ad oculos attinet corporales &c.* est T. II. CCV. col. 767. Altera, *ad publicolam*, hoc initio: *Estus animi tui posteaquam didici &c.* est XLVII. col. 110. Tertia, *ad ytalicam*, hoc initio: *Non solum litteris tuis uerum et ipso referente &c.* est XCII. col. 227.

XII. fol. 150. Incipit liber *Augustini de patientia.* Ita: *Uirtus animi, que patientia dicitur &c.* Finit: *donatum est caritati.* Ut T. VI. col. 533.

XIII. fol. 153. p. 2. praevio loco L. II. *Retract.* c. 64. Incipit liber *sancti Augustini de cura pro mortuis agenda.* Initium: *Diu sanctitati tue coepiscopo uenerande &c.* Finis: *mea responsio defuisset.* Ut T. VI. col. 515.

XIV. fol. 158. p. 2. Incipiunt *questiones orosij ad sanctum augustinum.* Initium: *Licet multi ac probatissimi uiri &c.* Finis: *qui preeffe desiderat, non prodesse.* Subposititiae sunt, et a *Maurianis* in *Append. T. VI. col. 7.* rejectae, quorum *Admonitionem* praeviam consule.

XV. fol. 164. praemisso Prologo, qui incipit: *Extorsisti mihi dulcissime fili optate &c.* sequitur *Disputatio augustini contra felicianum.*

num. Initium: *Nam cum ante hos dies pariter &c.* et finis: *ceperit retribuere mercedem. Vigilio Tapsensi restitutam collocarunt Mauriani in Append. T. VIII. col. 39. inscriptam: Liber de Unitate Trinitatis.*

XVI. fol. 169. Triga Sermo-  
num, quorum primus, *de penitentia* incipit: *Penitentes, penitentes &c.* et est T. V. Sermo CCC-XCIII. col. 1506. Secundus, qui inscribitur *de ymagine*, nihil est aliud, quam Caput XXXV. Libri *de Spiritu et Anima*, cujus initium: *Tanta dignitas humane conditionis &c.* ut habes in *Append. T. VI. col. 49.* ubi simul ex *Admonitione* praevia discis, quot Autoribus tributus fuerit olim consarcinatus ille Liber, cujus Caput modo memoratum in *Codice* non parum ab editis variat. Tertius inscriptus *de resurrectione*, et incipiens: *Resurrectio et clarificatio domini nostri ihesu christi &c.* rejectus est in *Append. T. V.* ubi n. CCLII. col. 413. comparet.

XVII. fol. 170, p. 2. Incipit liber (seu Epistola) beati augustini ad eutropium et paulum episcopos de perfectione justitiae hominis. Ejus initium: *Caritas uestra, que in vobis tanta est &c.* et finis: *anathematizandum esse non dubito.* Habetur T. X. col. 167.

XVIII. fol. 177. Incipit liber beati augustini de correctione (correptione) et gratia. Ita: *Lectis litteris uestris ualentine &c.* Finis: *cooperit multitudinem peccatorum.* Ut T. X. col. 749.

XIX. fol. 184. p. 2. Incipit de predestinatione diuina. Distinguentus Liber a genuino de *Praedestinatione Sanctorum.* Praefens hic extat in *Append. T. X. col. 49.* inscriptus *de Praedestinatione et Gratia suspecti Autoris.* Ejus initium: *Cum sacrarum uoluminibus litterarum &c.* Finis: *contumacie uoraginem decidamus.*

XX. fol. 188. p. 2. Incipit liber beati augustini de immortalitate anime. Initium: *Si alicubi est disciplina &c.* Finis: *de quo dictum est, probatur.* Additur locus e L. I. *Retract. c. 5.* Extat T. I. col. 387.

XXI. fol. 192. Pentas Epistolarum. Prima Augustini ad Macedonium: *Negotiosissimum in republica virum &c.* T. II. n. CLIII. col. 524. Secunda Macedonii ad Augustinum: *Miro modo afficior &c.* T. cit. n. CLIV. col. 535. Tertia rursus Augustini ad Macedonium: *Quamuis sapientiam, quam mihi tribuis &c.* T. cit. n. CLV. col. 536. Quarta Augustini ad Largum: *Accepi litteras eximietatis tue &c.* T. cit. n. CCIII. col. 764. Quinta Alypii et Augustini ad Maximum: *Cum a sancto fratre et coepiscopo &c.* T. cit. n. CLXX. col. 608. Verum haec abrumpitur in verbis: *et illi soli seruias.*

XXII. fol. 196. Incipit liber beati augustini ad aurelium de opere monachorum. Initium: *Iussioni tue sancte frater aureli &c.* Additur in fine locus L. II. *Retract. c. 21.* ut T. VI. col. 475.

XXIII. fol. 201. *Incipit Liber augustini de predestinatione sanctorum.* Initium: *Dixisse quidem apostolum scimus &c.* ut T. X. col. 789.

XXIV. fol. 208. Liber idem, qui n. XVII. relatus est.

XXV. fol. 215. *Incipiunt capitula libri enchiridion. beati augustini ad laurentium primicerium ecclesie urbice de fide et spe et caritate.* Sunt numero 125. in editione vero T. VI. col. 195. numerantur tantum 122. Initium ipsius Enchiridii: *Dici non potest dilectissime fili &c.* In Codicibus, quibus usi sunt Mauriani, non videtur occurrisse *τὸ Ecclesiae urbicae.*

CCCXXXIV.

R. 3119 Codex membraneus lat. Sec. XII. Folior. 103. 4. non una manu, bene tamen exaratus, rubro distinctus, et prius *sanctae Mariae in pomgartenberge*, varia complectitur, et I. quidem *Incipit enchiridion. i. manualis liber Sancti Augustini episcopi.* Praeit *Elenchus Capitulorum LXXI.* Initium est: *Dici non potest fili Laurenti &c.* ut saepius jam utroque *Vol.* relatum est, et T. VI. col. 195. edit. *Maur.* habetur, quacum Codicis lectio probe consentit. Extat hoc Opusculum a me germanice red-

ditum inter *Denkmaale der christlichen Glaubens- und Sittenlehre T. I. P. 2.*

II. fol. 62. seu p. 123. *Incipit Soliloquium Hugonis (Victorini) de discretionem et anima.* Melius Dialogus inter has, cujus initium: *Loquar secreto animae meae &c.* ut saepius dixi, et videre est edit. *Rothomag. Opp. T. II. p. 223.* ubi de *Artha Animae* inscribitur, et Praefationem habet.

III. p. 143. *Visio driethelini uiri dei quam scribit beda presbyter in gestis anglorum.* Et rursus ad calcem: *Explicit Visio driethelini uiri dei.* Narrat eam *Beda L. V. c. 13.* neque nomen *Viri Driethelmus*, anglofaxonice *Drythhelm*, nisi sub finem narrationis usurpat. Excerptum nostrum incipit ibi: *Hic aliquamdiu mortuus primo tempore noctis scilicet diluculo reuiuiscens ac repente residens &c.* et definit ibi: *me repente inter homines uiuere cerno.* Ejusmodi per Purgatorium, Infernum et Coelum Peregrinationes non semel mihi visae sunt *Danti Aligerio* ideam *Divinae suae Comoediae* subpeditasse.

IV. p. 148. Versus quidam pii. Primi de Mercede aequali Operarum *Matth. c. 20. Vineam culta fuit &c.* Tetraſtichon secundum adscribo:

*Est aliquando bono bene, ne grauius superetur,*

*Est male, quo maculas lauet, aduersisque probetur.*

*Est aliquando malo bene, quo grauius feriat,*

*Est male, quo redeat, uel ut hic quoque iam patiat.*